

Alþ. bl.  
16. 6. 93  
16.

# Vilja í ríkisstjórn

— Nýir hugmyndavindar þurfa að blása um samfélagið með tilheyrandi pilsabyt

Kvennalistakonur funduðu að Núpi í Dýrafirði um síðustu helgi og fóru yfir stöðu þjóðmála og framtíðarhorfur í ljósi „óróa og ráðleysis innan ríkisstjórnarinnar“, eins og komist er að orði í fréttatilkynningu flokksins.

Í fréttatilkynningu Kvennalistans segir meðal annars: „Draga kann til tíðinda með haustinu og vilja kvennalistakonur búa sig undir það sem koma skal hvort sem boðað verður til kosninga eða Alþingi þarf að takast á við þann mikla og vaxandi vanda sem bjóðarbúið stendur frammi fyrir. Kvennalistakonur treysta númerandi ríkisstjórn ekki til þess að jafna áfallinu réttlátlega niður á landsmenn og enn síður til að horfa til framtíðar og undirbúa þá stórsókn sem þarf að hefja í atvinnumálum. Ríkisstjórin glímir við innri átök og er upptekin við að raða vinum og flokksmönnum á ríkisjötuna í stað þess að sinna alvöru stjórnámum. Nýir hugmyndavindar þurfa að blása um íslenskt samfélag með tilheyrandi pilsabyt og er

löngu tímabært að kvennalistakonur komist þangað sem ráðum er ráðið. Að mati Kvennalista þarf þjóðin að veita kjörnum fulltrúum sínum nýtt umboð til breytinga og umbóta, sem ekki síst taka mið af stöðu kvenna og fjölskyldna í landinu og hafa að leiðarljósi að nýta betur það sem við eignum.

Undirbúningur fyrir væntanlegar sveitarstjórnarkosningar var til umræðu og var samþykkt sérstök ályktun þar sem skorað var á konur að gefa kost á sér til sveitarstjórnar og að styðja konur sem bjóða sig fram, enda fjalla sveitarstjórnir um mörg þau mál sem varða mest daglegt líf landsmanna. Konum fækkaði í sveitarstjórnum í síðustu kosningum eftir mikla sókn og er brýnt að snúa blaðinu við aftur, þannig að konur komist til þeirra áhrifa sem þeim ber.“

Kvennalistakonur fjölluðu ennfrumur um ástand heimsmála og þær nýju spurningar sem Íslendingar og aðrar bjóðir þurfa að glíma við í breyttum heimi.

## Vorþing Kvennalistans:

### Dregur til tíðinda í haust

Vorþing Kvennalistans, sem var haldin að Núpi í Dýrafirði 11.-13. júní 1993, heitir á konur um allt land að búa sig undir sveitarstjórnarkosningarnar næsta vor. Kvennalistinn hvetur konur til að taka afstöðu til sameiningar sveitarfélaga og hafa áhrif á þróun heimabyggðar, annaðhvort með því að gefa kost á sér eða styðja þær sem gera það.

A vorþinginu var rætt um ástandið á bjóðarheimilini, horfurnar framundan og hina pólitísku stöðu í ljósi óróa og ráðleysis inn-

an ríkisstjórnarinnar. Kvennalistakonur telja að draga kunní til tíðinda með haustinu og því verði að búa sig undir það hvort sem boðað verður til kosninga eða Alþingi þarf að takast á við þann mikla og vaxandi vanda sem bjóðarbuðið stendur frammi fyrir.

Kvennalistakonur freysta númerandi ríkisstjórn ekki til þess að jafna áfallinu réttlátlega niður á landsmenn og enn síður til að horfa til framtíðar og undirbúa þá stórsókn sem þarf að hefja í atvinnumálum.

-GHS

DV-16. júní '93